

薛立齋醫案全集

辛酉孟夏中澣
後齋署



口齒類要

吳郡薛己著

繭唇一

新刻吳郡薛己著

內經云。脾氣開於口。又云。脾之榮在唇。蓋燥則乾。熱則裂。風則腫。寒則縮。若唇腫起。白皮皸裂。如繭。繭名曰繭唇。有唇腫重出如繭者。有本細末大如繭如瘤者。或因七情動火。傷血。或因心火傳脾。脾經或因厚味積熱。傷脾。大要審本症。察兼症。補脾氣。生脾血。則燥自潤。火自除。風自息。腫自消。若患者忽略治者不察。妄用清熱消毒之藥。或用藥線結去。反為翻花敗症矣。

治驗

州守劉克新患繭唇。時出血水。內熱口乾。吐痰體瘦。腎虛之症悉具。用濟陰地黃丸。年許而愈。

一儒者因勞役感暑。唇生瘡。或用四物加黃柏知母之類而愈。後復作。彼仍用前藥。益甚。腹中陰冷。余用補中益氣湯加茯苓半夏治之而愈。

儒者楊國華因怒。唇口兩耳腫痛。寒熱余謂怒生熱。熱生風。用柴胡山梔散數劑而愈。

一男子素善怒。唇腫脹。服清胃等藥。時出血水。形體骨立。余用補中益氣加半夏茯苓桂枝月餘。唇腫漸消。元氣漸復。又以四物加柴胡炒梔丹皮升麻甘草數劑。乃去梔加參朮而痊。

一婦人懷抱久鬱。或時胃口嘈辣。胸膈不利。月水不調而衰少。日晡發熱。食少體倦。唇腫年餘矣。余用歸脾湯加薑汁炒黃連山梔少佐吳茱萸。嘈辣頓去。飲食少進。乃去黃連加貝母遠志。胸膈通利。飲食如常。又用加味逍遙散歸脾湯間服百餘劑。月水調而唇方愈。

一婦人懷抱久鬱。患繭唇。雜用消食降火虛症悉具。盜汗如雨。此氣血虛而有熱也。用當歸六黃湯內黃芩連柏俱炒黑。二劑而盜汗頓止。乃用歸脾湯八珍散兼服。元氣漸復。更以逍遙散歸脾湯間服百餘劑而唇亦瘥。

一婦人唇裂內熱二年矣。每作服寒涼之劑。時出血水。益增他症。余用加味清胃散而愈。後因怒。唇口腫脹。寒熱而嘔。用小柴胡加山梔茯苓梔。諸症頓愈。復用加味逍遙散而康。

一婦人善怒。下唇微腫。內熱體倦。用化痰藥。食少作嘔。大便不食。唇出血水。用理氣消導。胸膈痞滿。頭目不清。唇腫經閉。用清胃行血。肢體愈倦。發熱煩燥。涎水湧出。余曰。此七情損傷肝脾。誤行剋伐所致。遂用濟生歸脾湯。食進便實。用加味逍遙散。腫消熱退。用補中益氣湯。脾健涎止。後因怒。寒熱耳痛。胸膈脹悶。辱厥腫甚。此怒動肝火而傷陰血。用四物合小柴胡加山梔頓愈。又因怒。腸乳作脹。肚腹作痛。嘔吐酸涎。飲食不入。小水不利。此怒動肝木而剋脾土。用補中益氣加川芎芍藥而愈。又勞役怒氣。飲食失節。發熱喘渴。體倦不食。下血如崩。唇腫熾甚。此肝經有火。不能藏血。脾經氣虛。不能攝血。用補中益氣加炒黑山梔芍藥丹皮而愈。

一男子內熱作渴。咳唾痰涎。大便乾澀。自喜壯實。問治於余。余曰。此脾腎陰虧。陽旺之症。當壯水之主。不信。自服二陳芩連之類。次年下唇漸腫。小便赤澀。執守前藥。唇出血水。大便黑塊。小便淋瀝。請余往治。余曰。大便結黑。小便淋瀝。肝腎敗也。唇口腫白。脾氣敗也。辭不赴。竟歿。

一婦人月經不調。兩足熱。年餘後而身亦熱。勞則足腿酸疼。又年餘。唇腫裂痛。又半年。唇裂出血。形體疲倦。飲食無味。月水不通。唇下腫如黑棗。余曰。此肝脾血虛火症。彼不信。用通經等藥而死。

一婦人善怒。唇腫。或用消毒之藥。唇腹出血。年餘矣。余曰。須養脾胃。滋化源。方可愈。彼執用前藥。狀如翻花瘤而死。

口瘡二

口瘡上焦實熱。中焦虛寒。下焦陰火。各經傳變所致。當分別而治之。如發熱作渴。飲冷實熱也。輕則用補中益氣湯。重則用六君子湯。飲食少思。大便不實。中氣虛也。用人參理中湯。手足逆冷。肚腹作痛。中氣虛寒也。用附子理中湯。晡熱內熱不時而熱。血虛也。用八物加丹皮五味麥門。發熱作渴。唾痰。小便頻數。腎

水磨也用加減八味丸食少便滑面黃肢冷火衰土虛也用八味丸日哺發熱或從腹起陰虛也用四物
參朮五味麥門不應用加減八味丸若熱來復去晝見夜伏夜見晝伏不時而動或無定處或從脚起乃
無根之火也亦用前丸及十全大補加麥門五味更以附子末唾津調搽湧泉穴若概用寒涼損傷生氣
為害匪輕

治驗

秋官趙君言口舌生瘡勞則體倦發熱惡寒此內傷血氣之症用補中益氣加五味麥門而愈

進士劉華甫口舌生瘡午前熱甚脈數而有力用清心蓮子飲稍愈更以四物二連湯全愈後因勞役日
哺發熱脈數而無力用四物加參朮柴胡少瘥但體倦口乾再用補中益氣湯而愈
武庫劉君口舌生瘡口乾飲湯乃胃氣虛而不能化生津液也用七味白朮散而瘥

廷評曲汝為口內如無皮狀或咽喉作痛喜熱飲食此中氣真寒而外虛熱也用加減八味丸而愈
儒者費懷德發熱口舌狀如無皮用寒涼降入藥面亦發熱作嘔少食痰涎自出此脾胃復傷虛寒而作
也用附子理中湯以溫補脾胃用八味丸補命門火乃愈

一男子口糜爛脈數無力此血虛而有火用四物加茯苓白朮少用黃柏知母治之而瘥

地官李孟卿子新婚口舌糜爛日哺益甚用八珍湯加五味麥門而口瘡愈更用加減八味丸而元氣實
一男子唇舌生瘡口苦作嘔小便淋瀝此肝脾火動以小柴胡加山梔酸棗仁遠志麥門諸症漸愈但哺
熱體倦用四物柴胡山梔而愈又加白朮茯苓炙草而安

一儒者口苦而辣此肺肝火症先以小柴胡加山梔膽草茯苓桑皮而漸愈更以六君加山梔芍藥而瘥
瘥若口苦脇脹小便淋瀝此亦肝經之病用六味丸以滋化源

一男子口臭牙齦赤爛腿膝痠軟或用黃柏等藥益甚時或口鹹此腎經虛熱余用六味丸悉瘥

一婦人口苦脇脹用小柴胡山梔黃連少愈更以四君子加芍藥當歸柴胡而瘥

一婦人每想口苦發熱。晡甚。以小柴胡合四物二劑。更以四物加柴胡白朮茯苓丹皮而愈。
一婦人每怒。則口苦兼癢。頭痛脇脹。乳內刺痛。此肝肺之火。用小柴胡加山梔青皮。芍歸桑皮而安。後勞
兼怒。口復苦。經水頓至。用四物加炒梔炒膽草一劑。更以加味道遙散而康。

齒痛三

齒者腎之標。口者腎之竅。諸經多有會於口者。齒牙是也。徐用誠先生云。齒惡寒熱等症。本手足陽明經
其動搖脫落。本足少陽經。其蟲疳齲腫出血痛。微皆濕熱胃火。或諸經錯雜之邪。與外因為患。治法濕熱
甚而痛者。承氣湯下之。輕者清胃散調之。大腸熱而齲腫痛者。清胃散治之。重則調胃丸清之。六鬱而痛
者。越鞠丸解之。中氣虛而痛者。補中益氣湯補之。思慮傷脾而痛者。歸脾湯調之。腎經虛熱而痛者。六味
丸補之。腎經虛寒而痛者。還少丹補之。重則八味丸主之。其屬風熱者。獨活散。大寒犯腦者。血止散。風寒
入腦者。羌活附子湯。病症多端。當臨症制宜。

治驗

宗伯毛三。江胃經虛熱。齒牙作痛。用補中益氣加熟地丹皮茯苓藥。喜愈。

廷尉張中梁。齒動。或用清胃散。肢體倦怠。飲食少思。牙齒作痛。余曰。此脾腎虧損。用安腎丸。補中益氣湯。
兼服外用羌活散而愈。或牙根潰爛。如喜寒惡熱者。乃胃血傷也。用清胃散。若惡寒喜熱者。胃氣傷也。用
補中益氣湯。

楊考功。齒動作渴。屬脾胃虛弱。陰火熾甚。用補中益氣加酒炒黑黃柏四劑。又服加減八味丸。諸症頓愈。
又用補中益氣湯而全愈。

王侍御。齒搖齲露。喜冷飲食。此胃經濕熱。先用承氣湯以退火。又用清胃散以調理。而齒固。繼用六味丸
以補腎水。羌活散以祛外邪。而尋愈。

用補中益氣加茯苓半夏元氣復而諸症愈

郭職方善飲齒痛腮頰焮腫此胃經濕熱用清胃散加乾葛荊防而愈

鄭吏部仲冬牙痛連臘此腎經風寒所犯用羌活附子湯一服即愈此症不問冬夏腎虛者多患之急用此藥可瘳緩則不效

朱工部午後有熱遇勞遺精其齒即痛此脾腎虛熱先用補中益氣送六味丸更以十全大補湯而愈

党吏部齒根腫痛焮連頰頰此胃經風熱用犀角升麻湯即愈

表兄顏僉憲牙痛右寸後半指脉洪而有力余曰此大腸積熱當用寒涼之劑自泥年高服補陰之藥呻吟徹夜余與同舟赴京煎涼膈散加荊防石膏與服一鍾即愈

大尹余時正素善飲齒常浮腫腹痛作渴此酒積傷脾食後用清胃散食前解醒湯而愈

膳部鍾復齋每勞心則齒縫脹而不能咀嚼此元氣虛弱先用補中益氣湯而痊更用十全大補湯雖勞不作

儒者柴濟美善飲牙蛀不生或時作痛用桃仁承氣湯二劑又以清胃散加山梔葛根外搽升麻散其牙復出

一男子晡熱內熱牙痛難清常取小蟲此足三陰虛火足陽明經濕熱先用桃仁承氣湯二劑又用六味地黃丸而愈

一男子患齒痛飲食難化大便不實此脾腎不足用還少丹而愈

一男子每足發勢牙即浮腫此足三陰虛火用加減八味丸而不復作

一男子齒浮作痛耳面鰓色口乾作渴日晡則劇此脾虛弱也用補中益氣湯加減八味丸而愈

一婦人因怒齒痛寒熱作嘔用清胃等藥益甚此肝火傷胃寒藥復傷用六君子加芍藥柴胡山梔而愈

一婦人胃中嘈辣甚則熱痛後患齒痛此胃火生痰也用二陳加苓連下越鞠丸而瘳

一婦人發熱齒痛日晡益甚。月水不調。此脾經血虛所致。用逍遙散加升麻尋愈。後因怒復痛。仍以煎藥加川芎而痊。

一婦人因怒。牙痛寒熱。用小柴胡。加芎歸。芥末山柰而疼痛止。用加味道遙散而寒熱退。

荆婦每產後齒根皆動。必踰日乃止。後復懷妊。臨月時立齋。翁偶至。言及此症。留十全大補湯二劑。令產後煎服。齒不復動矣。果如言。愚奇其神異。敢綴數言附之。卷末。後有作者。皆得觀法焉。則先生之德。垂之永久矣。後學吳江史羊生頓首謹書。

貌云叔父芝巖先生。齒根浮腫痛不可忍。命貌求治於立翁先生。翁曰。此痛齟浮而不動。屬於坤土。乃足陽明脉所貫絡也。因胃有濕熱故爾。用清胃散加山柰。立參進一服。應手而瘥。貌謹記其梗概。以附醫錄。將俾後之學醫者有所準則云。嘉靖丁未仲秋。晚蒼生郝貌頓首拜書。

舌症四

經言。舌乃心之苗。此以數言也。以部分言之。五臟皆有所屬。以症言之。五臟皆有所主。如口舌腫痛。或狀如無皮。或發熱作渴。為中氣虛熱。若眼如烟觸。體倦少食。或午後益甚。為陰血虛熱。若咽痛舌瘡。口乾足熱。日晡益甚。為腎經熱。若四肢厥冷。惡寒飲食。或痰甚。眼赤。為命門火衰。若發熱作渴。飲冷便閉。為腸胃實火。若發熱惡寒。口乾喜渴。食少體倦。為脾經虛熱。若舌本作強。頸項腫痛。為脾經濕熱。若痰盛作渴。口舌腫痛。為上焦有熱。若思慮過度。口舌生瘡。咽喉不利。為脾經血傷火動。若恚怒過度。寒熱口苦。而舌腫痛。為肝經血傷火動。病因多端。當臨時制宜。凡舌腫脹甚。宜先刺舌尖。或舌上。或邊傍。出血泄毒。以救其急。惟舌下瀧泉穴。此屬腎經。雖宜出血。亦當禁針。慎之。

治驗

工部徐檢齋。口舌生瘡。喜冷飲食。或咽喉作痛。大便秘結。此實熱也。用清涼飲治之而愈。仲侍御多思慮。舌作痛。用苦寒降火藥。發熱便血。盜汗口乾。肢體日瘦。此脾氣虧損。血虛之熱。用加味歸

脾湯而愈

一男子不慎酒色冬喜飲冷舌常作痛小便頻數舌裂痰盛此腎水枯涸陰火無制名下消用加減八味丸而愈若寸脉洪數有力多飲少食大便如常口舌生瘡大渴引飲者名上消是心移熱於肺用白虎湯加人參治之若關脉洪數有力喜飲冷小便黃大便硬而自汗者名中消調胃承氣湯下之

學士吳北川過飲舌本強腫言語不清痰氣湧盛肢體不遂余作脾經濕痰治之而愈

秋官鄭過飲舌本強腫言語不清此脾虛濕熱用補中益氣加神麴麥芽乾葛澤瀉而愈

一膏粱之人患舌痛數服皆消毒之藥舌腫勢急余刺舌尖及兩傍出紫血杯許腫消一二更服犀角地黃湯一劑翌早復腫脹仍刺出紫血杯許亦消一二仍服前湯良久舌大腫又刺出黑血二杯許腫漸消忽寒熱作嘔頭痛作暈脉洪浮而數此邪雖去而真氣愈傷與補中益氣倍加參芪歸朮四劑而安又數劑而愈

一婦人善怒舌痛煩熱用降火化痰等藥前症益甚兩脇作脹服流氣飲肚腹亦脹經行不止此肝虛不能藏血脾虛不能統血用加味歸脾加麥門五味而愈若因暴怒而患前症用小柴胡加丹皮山梔血虛者用八珍加參朮柴胡山梔丹皮虛甚須加炮薑

一男子舌下牽強手大指次指不仁或大便秘結或皮膚赤暈此大腸血虛風熱用逍遙散加槐角秦艽而愈

一婦人冬患腦疽腫痛數渴脉洪數實余用清熱消毒散潰之而愈次年三月其舌腫太過身患寒疝如葡萄不計其數手足尤多各刺出黑血服奪命丹七粒出臭汗瘡熱益甚便秘二日與大黃各連各三錢升麻白芷山梔薄荷連翹各二錢生草一錢水煎三五沸服大小便出臭血甚多下體稍退乃磨入犀角汁再服舌本及齒縫出臭血諸毒乃消更與犀角地黃湯而愈

一婦人善怒舌本強手臂麻余曰舌本屬脾土肝木克之故耳治以六君子加柴胡芍藥而愈

先兄口舌糜爛。疾涎上壅。飲食如常。遇大風欲仆地。用補中益氣湯。及八味丸。即愈。間藥數日。仍作。每發苦則痰盛。目赤。漱以冷水。古稍愈。頃聞舌益甚。用附子片噙之。即愈。服前二藥諸症方痊。

喉痺諸症五

喉痺。謂喉中呼吸不通。語言不出。而天氣閉塞也。咽痛。咽痛者。謂咽喉不能納唾與食。而地氣閉塞也。喉痺咽痛者。謂咽喉俱病。天地之氣皆閉塞也。當辨內外表裏虛實而治之。若鄉村所患相同者。屬天行運氣之邪。治法當先表散。大忌酸藥。捺點寒藥下之。恐鬱其表於內。而不得出也。其病有二。

其一屬火。經云。少陽所至為喉痺。又云。少陽同天之氣。三之氣。炎暑至。民病喉痺。用仲景桔梗湯。或面赤斑者。屬陽毒。用陽毒諸方汗之可也。

其二屬陰濕。經云。大陰之盛。大氣內鬱。成喉痺。又云。太陰在泉。濕淫所勝。病噎腫喉痺。用活人半夏桂枝甘草湯。或面青黑者。屬陰毒。用陰毒法可汗之。

蕭山先生云。喉痺不惡寒。及寸脉大滑實於關尺者。皆屬下症。宜硝石青黛等寒藥降之。或膽礬等酸劑收之。韓祗和先生云。寸脉大於關尺者。宜消陽助陰。東垣先生云。兩寸脉實。為陽盛陰虛。下之則愈。故子遵此法以治前症。如鼓應桴也。

陳無擇治喉痺。不語用小續命。如杏仁七個。煎服其效。本草治中氣急喉痺欲死。白殭蚕為末。薑汁調下立愈。丹溪云。殭蚕屬火。而有土與水。得金氣而成。治喉痺者。取其火中清化之氣。以從治相火散濁逆結滯之痰。

陳藏器。每治臟寒咽閉。吞吐不利。用附子去皮臍炮裂。以蜜塗炙。蜜入內。含之勿嚥云云。孫押班治都知潘元從喉閉。孫以藥半錢吹入喉中。少頃吐出膿血立愈。潘詰孫謝曰。太急之患。非明公不能救。救人之急。非藥不能療。贈金百兩。願求方以濟非常之急。孫曰。用猪牙皂角白礬黃連各等分置

謙甫云。戊辰春。鄉村病喉痺者甚眾。蓋前年終之氣。及當年初之氣。二大之邪也。用甘結湯。加麥連。半夏。殭蠶。鼠粘子。葛根等。劑發之。虛加參。家當歸之類。水漿不入。先用解毒雄黃丸。醋化灌之。痰出。更灌薑汁。服前藥。無不神驗。若用胆礬。酸寒點過者。皆不治。蓋邪鬱不出故也。已上治法。內經秘旨。救生之良法。故錄之。見醫學綱目。

治驗

廷評張汝翰。患喉痛。日晡益甚。此氣血虛而有熱。用八珍湯而愈。後每入房。發熱頭痛。用補中益氣。加麥門五味。及六味丸。常服。後不復作。

秋官葉

素陰虛。因怒。忽喉痛。寒熱頭痛。項強目直。小便自出。此皆肝火之症。肝主筋。膜大主腫脹。大

旺則血涸筋攣。自條緊急。頸項如拔。陰挺痿痺。則小便自遺。遂刺患處。出血。用四物。柴胡。山梔。玄參。甘草。而甦。再用六味丸料。以生肝血。滋腎水。諸症悉愈。

太守葉

咽喉腫痛。痰涎不利。手足發熱。喜冷飲食。用清咽利膈湯。二劑。不應。刺少商穴。喉少寬。痰從

鼻出如膠。患處出紫血。稍寬。至七日。咳出穢膿而愈。

一儒者。三場畢。忽咽喉腫閉。不省人事。喘促痰湧。汗出如水。肢體痿軟。脉浮大而數。此飲食勞役。無根虛火上炎。用補中益氣。加肉桂一劑。頓甦。

義士顧克明。咽喉作痛。至夜發熱。此肝腎陰虛之熱。用四物。加酒炒黑黃柏。知母。麥門。五味。治之而愈。後因勞咽喉腫閉。刺患處出血。用桔梗湯。吐痰而消。至仲夏。乾咳聲嘶。作渴發熱。日晡足熱。用滋腎丸。加減

八味丸。間服三月餘。嘉其年富。謹疾得愈。

喉痛六

附乳蛾。懸癰。楊梅瘡。

丹溪先生云。咽痛屬血虛。用四物。加竹瀝。陰虛火上炎者。必用玄參。氣虛加入參。竹瀝。又云。咽喉腫痛。有陰虛。陽氣飛越。痰結在上者。脉必浮大。重取必澀。去死為近。宜人參一味。濃煎。細細飲之。如作實症。治之。

口齒類要
五
渴在反掌。此發前人未發。救無窮之天極。余更以上焦風熱積熱。及膀胱陰虛等症。一二于後云云。

治驗

通府李朝用。咽喉腫痛。口舌生瘡。此上焦風熱。先用荊防敗毒散。二劑喉痛漸愈。又以玄參升麻湯。口舌遂愈。

地官黃北盤。喉痛作渴。飲冷。大便不通。此上下表裏實熱。用防風通聖散。治之頓愈。

地官胡誠甫。咽喉燥痛。此腎經膀胱虛熱。用四物。加黃柏知母玄參。四劑少愈。更以人參固本丸。一劑不復發。

職方盧抑齋。咽喉腫痛。兩目矇昧。小便赤澀。此膀胱濕熱。用四苓散。加黃柏黃連知母茵陳。防己。治之而頓愈。又用六味地黃丸而痊。

儒者王文遠。咽喉腫痛。口舌生瘡。勞則愈甚。余謂脾肺氣虛。膀胱有熱。以補中益氣。加玄參酒炒黑黃柏知母稍愈。乃去黃柏知母。加山茱萸山藥。乃痊。

一儒者年踰五十。咽喉痛服涼藥。或過勞。痛愈甚。此中氣虛熱。以補中益氣。加炒黑苓連四劑而愈。乃去苓連。又數劑全愈。

一儒者脚發熱。則咽喉作痛。內熱口乾。痰涎上湧。此腎經虧損。火不歸經。用補中益氣。加麥門五味。及加減八味丸而全愈。

一老人咽喉痛。小便數而赤。日晡尤甚。此膀胱陰虛。當滋化源。以補中益氣。加酒炒黑黃柏知母。二味四劑。咽痛稍可。乃去三味。加以山茱萸山藥麥門五味。頓愈。

一男子咽喉腫痛。藥不能下。針患處出血少愈。以破棺丹噙化。更用清咽利膈散而愈。

一男子素善飲。咽喉作痛。內熱作渴。小便不利。飲食如常。此膀胱積熱。用四苓散。加茵陳大黃。四劑諸症漸退。又用清心蓮子飲而安。

一星士勞而入房喉痛漸開痰涎上湧四肢乍熱此陰虛陽氣飛揚用補中益氣加附子煎灌而愈

憲副姜時川癸卯冬就診於子。右寸浮數有力。口中有瘡。余曰。此胃火傳於肺也。當薄滋味。慎起居。甲辰秋復就診。尺脉洪數而無力。余曰。此肺金不能生腎水。宜靜養以滋化源。彼云。今喉間及耳內不時燥痛。肢體不時發熱。若無根之火。殞無疑矣。後謂劉古峽云。立齋謂我之病可疑。至乙巳孟春古峽謂余曰。姜公之病。已如尊料。遂同余往視喉。果腫潰。脉愈洪大。或用瀉火之藥。反速其殒。

雲間吳上舍年踰五十。咽喉腫痛。或針出血。神思雖清。尺脉洪數而無倫次。按之細微如無。余曰。有形而無痛。陽之類也。當峻補其陰。今反傷陰血。必死已而果殒。益此症乃腎氣虧損。無根之火炎上為患。惟加減八味丸料煎服。使火歸源。庶幾可救。

府庠歸雲橋之內產後患喉痛。服清熱等劑。益甚。余診之。屬膀胱經血虛也。蓋膀胱之內脉上行至頸而還。用八珍湯加牡丹皮。柴胡。酒炒黑黃柏。二劑而愈。

嘉靖辛丑仲秋。大方憑几執筆就書。咽喉間偶有痰涎。遂左顧吐之。以未及合而頸骨如摧。莫能轉視。至夜增劇。潛發盜汗。手足麻冷。卧起必藉人扶持。稍動則痛連心腹。苦楚萬狀。不可勝數。如是者三四日。得立齋先生視之曰。此怒動肝火。膽得火而筋攣縮。以六味地黃丸料加山梔。柴胡。以清肝火。生胆血。一劑未竟日。而謔笑舉動。一一如常矣。接見賓從。俱以為前日之病者罔也。先生之神妙類多若此。惜子不肖。疎怠褻狎。不能盡述。姑以其親視者筆之。以為明驗耳。吳門晚學生沈大方履文再頓首謹書。

一婦人喉間作痛。兩月後而潰。遍身筋骨作痛。余以為楊梅瘡毒。先以萆薢湯數劑而平。更以四物加萆薢黃芪。二十劑。諸症悉退。

一彌月小兒。口內患之。後延遍身。年餘不愈。以萆薢為末。乳汁調服。母以白湯調服。月餘而愈。餘見保嬰粹要。

一男子先患喉痛。後發楊梅瘡。用輕粉等劑。愈而復發。仍服前藥。後又大發。上脣潰爛。與鼻相通。臂腕數

類其狀如桃。大清年餘不斂。虛症悉見。余以葶藶湯為主。兼以健脾之劑。月餘而安。餘見外科樞要

諸骨稻穀髮鯁七

治諸骨鯁。用苧麻根杵爛丸。彈子大。將所鯁物煎湯化下。

一方魚骨鯁。用細茶五倍子等。分為末。吹入咽喉立愈。

一方以大芫一足。取其涎。徐徐嚥之。即消。

又方白芨花根搗爛取汁。徐徐嚥之。不可着牙。

治稻芒糠穀鯁喉。將鵝卵一足。取涎。徐徐嚥下。即消。

治吞釘鉄金銀銅錢等物。但多食肥牛脂。諸般肥肉等味。便大便而下。

一方吞錢燒炭末。白湯調下。數匙即出。○或服蜜升許。○或食茨茹。其錢自化。

治吞髮繞喉不出。取自亂髮作灰。白湯調服一錢。

治吞鉄或針。用錫龍半斤濃煎艾汁調和服之。

一方磁石磨如棗核大。鑽眼。以錢穿令吞喉間。針自引出。或吞錢金銀銅鐵磁石。須陰陽家用驗者。

治諸鯁咒法八

子和云。大凡魚骨麥芒。一切竹木刺鯁于喉間。及髮絆不能下。用道藏經中一咒法。取東方無根水一碗。

先以左手結三台印。將水置印上。後將右手持一劍。訣於水上。虛書一龍字。密咒九遍。

咒曰。吾從東方來。路傍一池水。水裏一條龍。九頭十八尾。問君治何物。專用此間水。連誦九遍。患者飲之。

即愈。

誤吞水蛭九

治誤吞水蛭食蜜即愈。試以活蛭投蜜中。即化為水。屢驗。一書云。井中生蛭。以白馬骨投之。即無。試之亦

諸蟲入耳十

治百蟲入耳。用鹽汁灌之。或葱汁尤良。或猪肉少許。炙香置耳孔邊亦出。或用細蘆管入耳內。口吸之。蟲隨出。

蛇蚶入耳。以鹽少許捺耳內。即化為水。

蜈蚣入耳。以雞肉置耳邊自出。凡蟲毒入腹作脹。飲好酪二升許。蟲化為水。而毒亦消矣。

蛇入七竅及蟲咬傷十一

凡蛇入七竅。劈開蛇尾。納川椒數粒。以紙封之。其蛇自出。更煎人參湯飲之。或飲酒食蒜。以解內毒。如被蛇咬。食蒜飲酒更用。蒜杵爛塗患處。加艾於蒜上灸之。其毒自解。凡毒蟲傷並效。

男女體氣十二

治腹氣五更時。用精猪肉二大片。以甘遂末一兩拌之。挾腋下。至天明。以生甘草一兩煎湯飲之。良久瀉出穢物。須在荒野之處。則可恐穢氣傳入。故也。依法三五次。即愈虛弱者。間日為之。其他密陀僧胡粉。皆塞竅以治其末耳。

剛方并註

清胃散 治胃大血燥。唇裂。或為齩唇。或牙齦潰爛作痛。

黃連炒

生地黃

升麻錢一

牡丹皮分

當歸三錢

右水煎服

加味清胃散 即前散加芍藥。柴胡。治脾胃肝膽經熱。

柴胡清肝散 治肝經怒火。風熱傳脾。唇腫裂。或重齩唇。

柴胡

黃芩炒各錢

黃連炒

山梔炒各分

當歸錢一

川芎分六

生地黃錢一

升麻分八

牡丹皮錢一

甘草分三

右水煎服。若脾胃弱。去芍連。加白朮茯苓。

濟陰地黃丸 治陰虛火燥。唇裂如繭。

五味子

熟地黃補腎麥門冬

當歸

肉蓯蓉

山茱萸

枸杞子

山藥

甘州菊花

巴戟肉各等

右為末煉蜜丸桐子大每服七八十丸空心食前白湯送下

歸脾湯一名濟生

治思慮傷脾血耗唇皸及氣鬱生瘡咽喉不利發熱便血盜汗晡熱等症

木香

甘草各三

人參

白朮

茯苓

黃芪炒

當歸

龍眼肉

遠志

酸棗仁炒各一錢

右水煎服

加味歸脾湯

即前方加柴胡丹皮山梔治思慮動脾火元氣損傷體倦發熱飲食不思失血牙痛等症

補中益氣湯

治中氣傷損唇口生瘡或齒牙作痛惡寒發熱肢體倦怠食少自汗或頭痛身熱煩燥作

渴氣喘脈大而虛或細微軟弱

人參

黃芪炒

甘草各半

白朮

當歸

橘紅各一錢

柴胡

升麻各五

右薑棗水煎服

羌活散

治風熱傳脾唇口腫皸或頭痛目眩或四肢浮腫如風狀

羌活

茯苓

薏苡仁各等

右每服三五錢水煎入竹瀝一匙服

人參理中湯

治口舌生瘡飲食少思大便不實或畏寒惡熱作嘔腹痛此中氣不足虛火炎上

人參

白朮

乾薑炮

甘草各等

右每服五七錢或一兩水煎服

附子理中湯

治症同上但四肢冷逆或嘔吐泄瀉

茯苓

白芍藥各二錢

附子

人參各二錢

白朮錢四

右水煎服

香砂六君子湯

治口舌生瘡服涼藥過多以致食少作嘔或中氣虛熱所致

人參

白朮

茯苓

半夏

陳皮錢一

藿香分八

甘草炒六分

宿砂仁炒八分

右薑水煎

人參安胃散

治胃經虛熱口舌生瘡喜熱飲食

人參

白茯苓各一錢 黃芩各一錢 甘草各一錢

陳皮各五

黃連分三

芍藥分三

右水煎服

七味白朮散

治虛熱口舌生瘡不喜飲冷吐瀉口乾

人參

白朮

木香

白茯苓

甘草各一錢

藿香各五

乾薑各一錢

右水煎服

四君子湯

治口舌生瘡脾胃虛弱飲食少思肚腹不利

人參

白朮

茯苓各一錢

甘草各一錢

右薑棗水煎服

六君子湯

治胃氣虛熱口舌生瘡或寒涼起飲食少吐瀉

人參

白朮

茯苓各一錢

陳皮

半夏

甘草各一錢

右薑棗水煎服

二陳湯

治脾胃虛弱口舌生瘡或中脘停痰嘔吐惡心飲食少思等症

陳皮

茯苓

半夏各一錢

甘草各一錢

右薑棗水煎服

葛花解酲湯

治酒積口舌生瘡或嘔吐泄瀉

白豆蔻

宿砂仁

葛花各五

木香分二

青皮分二

陳皮

茯苓

猪苓

人參

白朮

神麴炒

澤瀉

乾薑各三

右水煎服得微汗酒病去矣

龍膽瀉肝湯

治口苦或生瘡

柴胡錢一

黃芩分三

甘草

人參

天門冬錢一

龍膽草酒拌黃連炒

山梔炒

麥門冬

知母各五

五味子分三

右水煎服

小柴胡湯

治肝膽經風熱侮脾土唇口腫痛或寒熱往來或日晡發熱或潮熱身熱或怒而發熱脇痛甚者轉側不便兩脇痞滿或瀉利咳嗽或吐酸苦水

柴胡錢一

黃連半錢

半夏

人參各一錢

甘草分五

右薑棗水煎服怒動肝火牙齒痛寒

柴胡錢一

黃連半錢

半夏

人參各一錢

甘草分五

右薑棗水煎服怒動肝火牙齒痛寒

熱加山梔黃連

梔子清肝散 治三焦及足少陽經風熱口舌生瘡或耳內作痒出水疼痛或胸間作痛或寒熱往來

茯苓 川芎 芍藥 牛蒡子炒 當歸名七 柴胡 山梔

牡丹皮名一 甘草分五 右水煎服

人參敗毒散加防風荆芥名 治一切表症瘡瘍喉痛發寒熱或拘頭痛脉細有力者

人參 羌活 獨活 柴胡 前胡 茯苓 川芎

桔梗 枳殼 甘草名一 右水煎服

奪命丹 治喉閉或疔瘡發大毒或麻木或嘔吐重者昏憤若疔毒牙關緊急用三五丸為末水調灌下

有奪命之功

蟾酥乾者酒化 輕粉各五分 枯白礬 寒水石服 銅綠 乳香 沒藥

麝香各一錢 硃砂各三錢 蝸牛研二十箇另 右為細末用蝸牛或酒糊為丸如菉豆大每服一二丸

溫酒或葱湯下

東垣白芷散 治大寒犯腦牙齒疼痛

麻黃 草豆蔻各一錢 黃芪 升麻各二錢 當歸 熟地黃各五分 吳茱萸

白芷各四分 藁本分三 桂枝二分 羌活分八 右另為末和勻搽之

東垣牙痛散 治牙齦露肉牙疳腫痛或牙齒動搖欲落或牙齒不長牙黃口臭

升麻分四 羌活 地骨皮各一兩半 膽草一兩半 右為末以溫水漱口每用少許擦之

獨活散 治風毒牙痛或牙齦腫痛

獨活 羌活 川芎 防風各五分 細辛 生地黃 荊芥

薄荷各二錢 右每服三五錢水煎嗽嚥

兼用四成寫白散 治膏厚厚面赤心煩是市氣有傷以散氣出星是第壅固結因益不利之故也